

寶綸堂集

暨陽陳洪綬章侯著



男字購輯

孫豸對讀

四言古

勸農

食人勞力捫腹平陸見兩老人歛畊交穆木人巫歌
田鼠鬼逐酒肉相勞月明同宿

其二

力田可封清譚斯鄙傳家襍補遺世冠履長腰滿車

寶倫堂集

四言古
卷之四

橐金折軌吾儕小人果腹為美

停雲

寄龔水玉

雲門檜櫟不招斧柯鹿皮歸來四月清和麥飯分飽
我苦不多太守可仰公子謂何

前題

寄伍鉄山

瘴海停雲水鬪線雨征人驛騷先生不阻越水吳山
石槩自撫佛國僊居松雲閒佇

時運

千年壽藤覆彼草廬其花四照貝錦不如客止我
中流一壺浣花溪上古人先余

懷友之一

清清河水放舟容與我懷伊人遠于殺羽

二

北山有木枝葉不凋期子同往秋風蕭蕭

三

有酒有酒有書有書闔門靜思不與子俱

四

燁燁者服嵬嵬者冠衣之冠之白首爲歡

五

砮魴烹雉醕彼斗酒我弗異心失彼良友

寶綸堂集

四言古
卷之四

寄毛師

南方美人長利孫子高山可觀冰雪齒齒

二

四夷亂德六師翱翔高山可梯步履弗疆

三

有薇有薇我胡朝饑高山可老廬舍孰治

題鑄劍圖

俠烈慧娘而語蘭陵以腸鑄劍斬此有情

寶綸堂集

暨陽陳洪綬章侯著

男宇購輯

孫豸對讀

五言古

齋中

碌碌春酒中齋扉不一啓今日酒病深腹痛似成痞
誓不飲至醉屢戒屢不止惕以大命傾大業從此諧
幡然入我齋瞿然歎不已蛛絲縵四壁鼠糞積一几
書帙縱橫陳頭緒卒難理猶吾倦學人心境雜如此

寶綸堂集

五言古
卷之四

畫水倦換長公涇縣紙

涇縣紙最佳宿儲者難得長公積蓄多乞與不輕擲
奇儁同心人高僧與羽客乞而索予書贈之便不惜
珍重如是焉唯予更不吝予畫良不易寫此聊相易
是匪愛我哉奈何如吐核

無錢

吾以無錢閒豈以無錢苦閒時得人棄古今自期許
積金生意盡善哉斯一語

寫竹

我庸常人與一歎三對鏡呼兒速取酒我將愁至病

無酒速取絹寫竹言孤性不贈知我人贈者必酒聖
畫豈佳者哉胡爲人所競愛我孤性乎孤性不可敬
動靜與世違煩言不能竟捲畫且大酣桐樹月初映

久畱

不可常傲物我亦愛傲人三旬不成事詩酒江南春
妻子病不返兼且遺其親以後弗如此四座當諄諄

壽外大父

麗日發春氣光風蕩華筵統如擊鼉鼓微妙寫嬌絃
壽母前致辭挾瑟我請先各言母種德四座且莫喧
婦事恭以優母道慈以嚴子孫稟禮義婦女有清顏

寶綸堂集

五言古
卷之四

南畝牧牛羊東廂積布錢六職與內則不足爲母言
我聞古人語惠人享大年母昔督女紅傭雇作盈軒
大婦抱孫至中婦携子前哺飯若不惜升斗日益添
養女皆有家養男能力田困乏來假借厚贈無所慳
母德苟仁厚百祥如珠連後人慎念茲上天啓厥賢
無德者有壽理數之或然

寄三叔祖

大人遠千里教誨隔數年書札不間斷思之恒悵然
政事皆就緒子民如二天可以慰子弟可以履聖賢
羞我年三十爲文未成篇酒味頗有得功名罔計焉

寄子敏張山人

隱士更難尋入林恐不深聞子棲山中藏修希至人
長風飄鹿裘石蘭插葛巾耳目自怡悅幽景兼清音
口體有餘養胡麻與蘆衾晨興披道記薄暮抱瑤琴
朋友遙相望樵牧不得親不作蘇門嘯無人來問津
予心絕塵想念子訊兩春願得同棲止不爲淫欲侵
世事日益多歎亦桎梏身萬卉競新好勞役無所吟
吾子旣自發寧忍予落塵

興來風季共吟

風日日出看山檐塘過柳陌章將手數酒徒酒徒一

寶綸堂集

五言古
卷之四

三

當百方來與髯公章魯多詩伯髯詩寫霞天趙飲浮
溪碧履生年少郎短衣披秋色一笑爽我心書紙積
盈尺佳會句如此酒興弗可測

送來工部夫子之京

丈夫懷壯猷結髮走四方家人不爲顧飢寒免自強
今子勤王事將爲賢主匡大江雖堅凍輦路惟積霜
莫以寒侵故徘徊望故鄉莫以跋跣故徬皇嘆路長
他人見子行蹙眉還結腸綬也期子行德業將洋洋
歌以鳴歡心豈復發悲傷

暮春園飲

暮春悲風蕩游盤飲於亭花枝垂且垂柳絲搖不輕
文禽相停翮翠鳥故發聲蔬膠最淡薄盤罍亦得盈
大白供客醉微醺我精神神情既洋溢遐想輒悲生
飲酒因爲樂顧景愧無成逝者不可追念之常惺惺

恨

生平恨家居每懷浪遊境今日一出門花間調酒病
酒病能死人我胡不惜命但得離家居隨處可滅性
何爲作此言大事不能証

端午溪橋懷兄在玉田

日落室先夕四野餘微明隨意以躑躅偶止白河汀

寶綸堂集

五言古
卷之四

四

睠茲周匝樹果可少憇停路逢息肩人社酒猶未醒
忽懷遠遊者何以慰客情瓢漿會骨肉兩度不共傾
安得鬱結心如彼暮雲行

正月十三日

上元逢風雨酒客歎寂然寧獨此五夜乃發高興焉
梅花桃花時荷花菊花天何日無花月何處無高賢
開筵與索酒事事得以便卽無花與月飲性或未遷
惟作花月觀隨處張華筵

止章大厚弗往荊州

漢水十二月君當息肩未豈不聞前言雞肋本無味

吾鄉山水佳吾頗無俗氣何不畱於斯窮途良可畏
贈十六叔

吾叔有道人讀書而飲酒隨世如隨心心且不自有
笑者爲影侮女曹曾知否

偶書

誓於六月朔止酒多讀書尙有六七日飲興不使餘
非吾竭精力痼疾不自如非不知大事努力非徐徐
是皆前世因非吾所得除一日因緣至所有皆空諸
但恐除酒後復爲名利驅以此作佛事庶幾還最初

與十叔

寶綸堂集

五言古
卷之四

五

達人小天下何事載虛名文字真難識升沉不可評
紅蓮開數朶翠羽叫三聲還有餘愁不借君橋上行

醉起郊行

午飡飲酒臥起來客已還餘興恨無酒捧腹看遠山
白雲盡收去白鳥盡歸山山鳥各可數日勞心自閒
行至林幾帶坐遍水幾灣日落看不見悵然而閉關
山水極閒處得之亦不艱如何怡情處得失令人患

承楓菴小集點韻

秋天風氣蕭草木殞寒玉羣賢公讌時杲日畱巖谷
江樹淒淒然寒蟻語幽獨君子上堂疇有懷乃躑躅

錯蹴睥兒間古人隨意蹴我本豕鹿人不慰世間欲
歸來

風雨長江歸都無好情緒乃讀伯敬詩數篇便徹去
酒來不喜飲人間不欲語憂樂隨境生處之易得所
冒雨開篷觀紅樹滿江墅覓鱗得十螯痛飲廿里許

獨鴈懷友

春雲薄薄生容容浮芳樹樹杪衆鳥聲一時乃散去
忽有停雲思南山飛細雨雨中意惻然無人來與語
呼酒來自觴數觴悲所遇所遇居跣趾不提天之數
我何敢悲天天意實難據明良非所望同人何艱聚

寶綸堂集

五言古
卷之四

六

山川無險阻朝來而歸暮

陽穀縣遇賞祁之問林上菴卻寄

賞生遇陽穀爲述君高踪賣田結茅宇乃在寒山東
設榻傍修竹避人入深松老僧語夜月瘦雀舞秋風
有酒能獨飲舊侶常不同卽與同飲者道人浮海翁
書繙老莊子作詩弗求工齒豁髮尙黑食少肌猶豐
體氣雖強健頤養復有功是爲隱君子悟道徹始終
我復世情深乘亢不自封去家十餘里偃蹇江海中
知君篤念我恨我不能從

過夏鎮

舟發夏鎮口褰裳入荆棘荒井與廢墟睠茲長歎息
耆老從東來自言南粵客狗鼠縱橫時親見爲言悉
天下貨利渠舟車相絡繹寶玉共錦繡金銀銅鐵錫
禮樂雖不知風土事藻飾安堵數百年卒然遭盜賊
紅巾起南山白挺亂山北居民盡脆弱又不避寇敵
一朝下東來凶悍過蠻貊大車載糗糧小車載金帛
壯者逼其降不從卽遭磔婦女與老弱肝腦塗矛戟
斬掠無孑遺舉火裂居宅膏血相沂流手足相撐籍
賊去禽獸來積尸恣所食烏雀爭肝腸豺狼噬胸腋
白日斷車馬暮夜啼魂魄所亡倖免人成羣覓親戚

寶綸堂集

五言古
卷之四

七

荷鋤其荷畚號泣掩遺骼肢體多不全腐爛更難識
或有埋一頭或有葬一額親骸未能得呼天相躡躡
有繩懸樹死無繩卽觸石悲風動地來腥臭遍阡陌
日月慘無光山川雲氣黑同是覆載人胡獨罹禍厄
君子聽所由皆由人不德前年大饑饉州縣盡捐瘠
此地獨有秋柰何弗珍惜女妝無玫瑰雖華心不憚
男服非文繡雖美體不適肥牛與美酒讌會無朝夕
風俗變淫奢罔有能啓迪天遣彘育人址震又星鵲
柰何弗峻修非命斃鋒鏑君子幸毋忘以此訓鄉國
天命無僭差芻蕘可採擇長揖謝耆老歸來淚沾臆

梅花下醉書

讀書近乾溪飲與梅花宜
花開我極閒荷酒來賦詩
詩成輒悲嘆志大生明時
轉意古人語有志必有爲
天心若相棄賢志弗可期
豹隱佳山水看花遺我思
我思遺不得羞比豪富兒
鮮衣而怒馬國是罔聞知
我有崛強言錯亂我能治
恨未得一吏沉湎爲人嗤
今雖樂志死我實爲世悲
含淚勉進酒仰看花落墀
梅花開卽落人未不知之
胡爲血性人衆世皆我疑
舟次丹陽送何實甫之金陵

吾材固駑鈍妄想每熱衷
連年不得意飲酒空山中

寶綸堂集

五言古
卷之四

八

時時缺酒價去年事飄蓬
出門一歲餘親戚不相容
囊中無一錢走馬燕市東
得病五六月藥石皆無功
况當上策時彈指季夏終
殘編盡蠹壞棄置曾未攻
旣悲無米炊復慮精力窮
歸家拜親罷裹足飛來峰
但可攝心神安能事猿公
得失若觀火感懷常充充
時運或逢吉寒灰當一紅
以此自寬大舉酒臨長風
與君稱函合一言幸相從
君才如伏雌行藏更不同
此去當努力勿自薄愚庸
慰我同心人翹首望秋鴻

送光中歸

光師從西來遺我茶數篋
價直一千文此惠何以償

吾欲爲布施俛首羞空囊爲作數紙書少備幾月糧
幸師年年來來期可一商吾地甚僻陋客來水一觴
山水粗足觀杖履可久長正月梅花發宿師梅花旁
三月茶笋熟邀師下風篁師爲一年計製茶亦甚忙
四月或可往果蔬不得嘗過此六七月炎途不可當
八月桂花發天氣尙未涼九月紅葉時吾地多權塘
後園菊百本早晚凌秋霜師來往十日供養惟秋光
將詩揭於壁至期當渡江主人不解意此景安可忘

壽四叔祖四十

吾聞有道人養生得其常學問與務本壽命康且長

寶綸堂集

五言古
卷之四

九

引伸并服食其說多荒唐乃知仙籍中一一皆善良

聽來風季琴

琴爲寫性情覆理非其聲剛柔爲鑪冶宮商自經營
吾友來季老立悟弗可名得音在肺腑高峰猿哀鳴
木葉爲振落幽泉響寒更道人蘇門中曾令毛羽輕
吾輩凡俗人有耳不解聽聽者當爲誰西竺古先生

作樹石與元魯叔

深秋臥深山無日不閑止靜坐少飲酒筆墨略一理
作樹不作山深遠看不已此從靜中來否則何能爾
所得必以靜觀斯可証矣

范夫人七十壽

丈夫可奪志婦人爲最難富貴或可守况當孤且寒
父母惜名義此身亦可安夫人皆不偶砥節甚悲酸
皤皤五十年教子已得官諸君歌斯德夫人且爲歡
亢侯雖兄也而友夜雨以酒命書書必予詩詩
不能得佳工書差可慰也賦志之

雨夜得好友酒與獨有餘醉後墨數斗不顧工拙書
詩亦何必善終當歸空虛所求工者意難慰好友俱
好友能奪性令我不自如

古詩

寶綸堂集

五言古
卷之四

十

高士稽中散希友千載人道大莫容世披髮不作賓
豈辟賢者路耻與煩濁鄰寧受小人僂不畏小人囂
匪無苟免計羞屈而不伸周慎處衰季君子有私心
孤峻非傲物要盟於竹林刑僂非凌辱彈琴鳴其真
性道勿虧損譬如牛育麀墜地卽餓死牛乳不入唇
譬如幽谷蘭綠葉常藜藜糞土稍溉之不日爛其根
春華滋沃土小鳥擅高林後人苟自揀罔計大道淪
胡然譁且笑使氣不保身三復太冲賦龍性疇能馴

寄來季

君行栖南山我尙守塵市君行澄道源我尙逐浮氣

日來戒彝酒卽飲無十解讀書日十篇攷訂五六字
曉課朝暎先夜課炷香寐怡顏止復圍喧囂絕不至
塞耳朝家言但究身心事日惕齒舌箴嫚罵戒匪是
精神覺收斂心氣防恣肆或有長進機弗閑於道義
昨夜夢醒時悲嘆年非穉三句倏忽來四句如鞭轡
筋力欲衰憊毛髮必成二功業隳前人著書無所積
老朽聽雞鳴冷風吹眼淚雖無凍餒憂死同犬豕膏
書畫耻流傳壯猷悲無寄起坐搥心胸涕泗不能睡
憶君教誨言女曹多欲嗜一落聲色中滑正懷厥智
外鷺雖窮盡激勵如搏鷲何途不可窮所患者跛躓

聖賢尙有師我胡失指示幸將所著文時時授我識
二月載生魄我來慰君思連牀半月歸秋天復可遲
我如不得來君來慰我志踪迹莫疏遠弗爲古人媿
戲書問駱周臣乞筆

去年得佳管書法覺鮮媚今年管盡禿拙而弗能致
能書不擇筆此語不解義長公每作書必求諸葛製
阿弟好我書良璧亦不啻時持箋數來欣然顯長技
宿昔過索書聊書數十字非不多遺君管禿如敗筆
連日桃李開紙上橫秋思時作近體詩精工較昔易
日書求政人人必酌我醉醉後便疾書攫書者如市

有此好情懷書法出新意顧我知己人得之不盈饋
我若得新詩隨成卽書寄君欲作意書佳管時不遺

虎林歸書與猶子世楨

西冷住兩月懷女常懣懣歸來相見喜長爲五尺童
席上略課女文理亦粗通典則未綜覽深遠罔追窮
終成童子業勿能爲鉅公慎勿爲年少鞭策可從容

送大生之京

我性固放蕩花酒情復深長老每訓戒拂耳不能禁
往年游京師病幾弗可針歸來試期迫膝軟頭涔涔
主司乃不錄困厄如雞燭君今入京去遺君以此忱

寶綸堂集

五言古
卷之四

十一

君性酷似我體氣更不任况爲貴公子咄嗟稱其心
試期亦不遠珍重惜寸陰慎毋蹈前轍最哉受我箴

爲沈素先致謝馬訥齋縣尹

沈子寄書至內言喪其親手足不能斂馬師悉所任
君爲畫此筵詩以道我心匪不知報薄一羽酬千金
厚報無時日先此致殷殷請爲言所報窮達尊其身
饑餓不出戶必與賢聖鄰理絲尙廉節又必爲良臣
爲親者莫大難負者知音略道沈子意慨然懷古人

退居

清秋少昏沈蚤起得以便虛堂猶更語長廊風洒然

繙經了一品通達佛卽禪艱入便捲卷灌竹罷而眠
招飲倒屣去作食無愧焉

夜坐團欒拈

秋夜愛獨坐猶愛明月光今夜月皎皎兩事言所望
遙知溪山裏冷冷而蒼蒼思覓一朋侶開門步寒塘
夜深呼不起中止忽旁皇奢哉人所欲百美不足償
始願期秋夜復得月滿堂何爲不知止而欲逮於荒
唯有進德心要使廣無量

二

昔我十年前曾居崧光巔月夜偕顧七乘醉下寒泉

寶綸堂集

五言古
卷之四

十三

崎嶇夾樹木虎豹雜出焉談至月卓午投宿西礪邊
衲子盡吐舌戒我勿復然便欲拂衣去復上崧光眠
顧七急呼酒謂我子莫顛崛強不爲武徒將身命捐
顧郎墓木拱僧塔草芊芊二人惜身命反不永其年
對月感往昔記之致拳拳顧語該萬事書紳可無愆

三

聲華最役神清閑亦勞志坐月草率吟亦欲求慊意
月暗竹影無投床將酣睡野淚數聲聲欹枕聽無寐

睡起

領略佳山川因時乃得窅山川當清秋更無得其要

澄懷會嚴淨靜思理幽妙臥病結想深清夢去登眺
何必勞其形溪山坐咏嘯

理華嚴經

吾十五六時陌上見美色於今十五年眉目猶能憶
橫逆之所加歷年不去臆二十緡此經亦曾廢寢食
不敢妄自明胡跪請大德今日開卷看奇字多不識
途逕雖可尋貫通終難得乃知佛緣慳六賊不能克

薄塢山行

住山擇深秀先擇此仁里比鄰葛天民賣薪與造紙
壯夫事野田先雞鳴而起飯牛任老人牧羊授童子

寶綸堂集

五言古
卷之四

十四

婦女紡績餘農事相料理游手游食人男女竊相恥
盜賊絕不生兼亦無虎兇軍興遊食兵兩年不至此
去年寄妻孥徙倚兩月爾携歸妻孥時婦女泣不止
今年移家來知我無懷氏父老造我言我言洞表裏
曾無枝葉言相顧各自喜已後相與言耨鋤爲之已
種菜借我田蟲食爲我眎柴米借無辭勸我胡不仕
我言仕亦貧誇說古貧仕始聞笑我癡旣而道我是
本愛山水佳今愛風俗美得此美風俗隱居有所恃
魂夢不覺安飲食亦甘旨申杖且行行放浪從茲始
筍根舞山雞豆田雛野雉倚竹看梅花枕石唱流水

丙戌夏悔逃命山谷多猿鳥處便薙髮披緇豈
能爲僧借僧活命而已聞我予安道兄能爲
僧於秀峯猿鳥路窮處尋之不可得丁亥見
於商道安珠園書以識懷

擬從泉臺會復在山水好意外得友朋喜都不悖道
剝落亦無顏偷生事未了幸吾五十人急景可送老
舊年撥秋雲尋君頗煩惱同衾盤石思妄想豈蓬島
不過數株松小屋一把草

送駱爾玉之官南海

春草啣黃馬春水浮客船古情所傷處何當在君前
寶綸堂集
五言古
卷之四
圭
稍有可慰者君以王事先地方卽有警盜賊實可憐
嗷嗷牧牛馬相率而耕田官吏致饑餓不得已畔焉
衰季易爲德計月不計年民心得父母愈于城墉堅
聞君令南海愛民如子然老蓮不妄許許君稱時賢
時賢作民牧歡喜祝遙天

山居

小亂入城好大亂入山便在昔用斯語於今則不然
盜賊滿山時豈能此獨全父老爲我言此地久安眠
萬山擁其後千山護其前灌木萬餘株清流繞其邊
曲徑十餘里危石懸其巔不惟山水好而又有山田

不惟山田好又有美竹焉有麻果如絲有栗果如拳
有梅匝茅屋有蘭可成阡相見皆古人不分愚與賢
亦少衣冠人豈復肯守錢其風不凋薄或可免顛連
吾將携婦子釀酒樂堯天諸子漸長大課讀兼課佃
斫竹學織簾讀書功不捐無米拾橡栗聊以續炊煙
探奇既有梅採藥將學仙佩此王者香一撫猗蘭篇

同遠林卜居山中

遠林非入山不足以娛老此山非遠林山靈亦不好
遠林非我來安得少煩惱爲我山之中多結一龕草
推車兩小兒負書一媪老筆札以資生就君學幽討

寶綸堂集

五言古
卷之四

其

所喜老得朋豈謂身可保避亂遼海東此言何足道

安貧篇示鹿頭羔羊

天旣命我貧我胡敢求富天能制我貧力難以富救
性甚愛奢靡生長在華胄幸讀數行書安貧理深究
強制近自然豈得誇天授每年貧有米殺羊修俎豆
今年離亂中家人疾病後伏臘不能修曳杖徒奔走
僮僕出少銀解我雙眉皺藉口譏損時殺羊力不就
但買一隻雞壺漿與片肉婪尾送冬夜椒盤迎春晝
取之祭肉餘教兒介眉壽我之安貧篇一日必三復
試觀亂離時富翁遇強寇婦女蒙垢多大刀絕其脰

我逢強寇時無有不見宥汝必違我言長大逐銅臭
富翁爲前車作箴書座右

寄壽大先道人

青髯暱紅友白頭投翠微新居事幽討故山夢漸稀
所以師誕日便忘此一歸佛屋秋水照僧坊秋林圍
石鼎煮竹根蒲團話清暉日來借米苦何暇補破衣
破衣稍絮就來看霜葉飛

癸酉暮冬送趙子公簡還

與子爲兄弟所賴經相畚壯年事盤樂經荒不相鋤
是以携子來溪上就小廬朝時攻子文日暮讀我書
研幽復義解此來當不虛悠悠一年盡子又還故閭
計量無所益執手徒欷歔原上多草木黃落亂我思
壽無金石固學道無進期自治固不力治人又易衰
負子此來志感子復來斯往者不可諫來者猶可追

壽何太君

美哉何太君此辰七十壽倉頭擊肥牛小鬟進旨酒
賓客皆賦詩祝母壽長久小子請述德享年良不苟
母年二十時夫子歸蒼藪遺孤甫五歲提携不離手
剪髮復剉薦教兒從良友兒得廣譽聞諸孫又英秀
大孫讀異書飲酒日一斗次孫爲文章恨不上韓柳

緬想保孤時唯恐絕其後緬今子孫賢諸孫十八九
高樓積圖書嘉禾千萬畝四方長者車上堂拜阿母
匪母賢且能何以相奔走可以慰前人可以訓諸婦
長跽獻一觴起舞三擊缶

飲竹溪席上與主人九玄居士

春事尙未始春山得暢遊有人邀我飲况在溪東頭
修竹蕭蕭響梅花落其洲倚竹看梅罷山遠竹影稠
看山野雖曠何如竹裏幽有酒速勸我落梅青溪流
興趣誠不已梅花安可畱

從六通至法相還飲于高麗

寶綸堂集

五言古
卷之四

六

六通久茂草興復機緣塞兵亂布施艱沙彌各乞食
主者爲願公面亦有饑色一步不移東死心窮願力
佛子之忠臣我願生彼國福利去強暴法相存千年
兵亂能復遊我亦賴佛天昔當穀雨時靈公出詩篇
可公出清酒鏡華閣上眠時方求富貴所以投林泉
本欲乞山靈用以資文編豈知樂山水習靜兼學禪
蜀僧只不識白髮披兩肩熟視而微笑叩之第默然
兩公歸定木此僧藏墅煙九京如可作余寧無愧顏

其二

高麗王子寺東坡爲伽藍祠因其寺燬像亦失其龕

不唯絕香火風雨更不堪不如突迓神祀之以美男
余與張明謀草率結一菴金錢無半百棟宇不過三
脩竹在直北古松在直南直西樹蕉梧直東樹香楠
將其高麗詩鏤石爲之函

南山

南山多大木十存一二焉木乎吾與爾值此鼎革年
陵樹聞已盡墓木安能全日日望解甲旄頭正當天
不如同木盡免我心憂煎此身勿浪死湖山尙依然
小債償未了楮素滿酒船

其二

寶綸堂集

五言古
卷之四

九

北山木之宗南山石之祖遊盤二十年頗不費費斧
寫佛贖僧坊畫梅構屋宇每携一束書隨處皆我主
尊宿多回首青曹多可取時時典衣鉢邀我酸辭吐
居士昔所存或者不必覩願煮一杯茗澆師墳上土
已約桂花時斷不避風雨

其三

結束將入山山童語于側龍井買茶商昨夜縛于賊
不惟訪舊遊亦將偷瞬息佛地起戈矛生途安可得
骨肉非所憂學道憂不力持此心而遊何處有荆棘

夜示鹿頭羔羊

每日過失多今日無過失自慶過失無清歡弄紙筆
過失之有無明日安可必安得過失無日日如今日
便足了一生不知何爲佛

姜綺季赴天章子山二陶子廢社詩寄陶水師

去病暨二陶子

天地爲大廢社名以廢當主者頗心痛聞者亦心傷
或吼山之餘或曹山之陽昔治制舉業今爲吟屐廊
廢人莫若我綺老敢雁行不爲君父死一敢廢倫常
亂後未掃墓二敢廢爺娘薙髮披袈裟三則廢冠裳
有兒不教學四則廢義方藏書被盜盡五則廢青箱

寶綸堂集

五言古
卷之四

二十

典文旣殘落六則廢書堂軍令不得歸七則廢故鄉
貧不躬耒耜八則廢田莊箝口談治亂九則廢疎狂
毋與人間事十則廢行藏佛事亦作輟十一廢道場
不知老將至十二廢景光欲隨綺老往作畫覓黃梁
臘月當再舉必來相頡頏帶有詩窖來諸公弗悲涼
殺戮作詩料憂愁爲詩腸哭泣當詩韵和墨寫詩章

約王子安同入雲門爲終老之計

王老臥草間才子爲朋友才子不得畱霜林泣老叟
父母之常情願子得長壽亂世之生人安用期長久
君擔經幾函我負米數斗雲門六寺間可以老死否

請觀五月間千人斷其首太史得善終文名又不朽
抱腰連手行慎弗謀諸婦

丁亥人日至奕遠蔣氏山莊示予新詩索和

雨雪當新春大慰我憂獨喜無春陽累搖蕩我心目
有時少晴霽老鴉在脩竹蝴蝶在梅花鸚鵡在溪浴
心事如驚湍送懷無書讀故人來邀予攝衣趨坳曲
示予新春詩君親淚撲簌或有賞景光或有悅草木
或傷人間世或傷時運促或用大聲抒或用吞聲哭
披髮渡河人結轡無聲續予懷君已寫無聲寫短幅

樓上

寶綸堂集

五言古
卷之四

三

世亂春風來人生宜不樂國亡春風來心腸宜作惡
物理豈不推運會豈不約難以解孤臣春風吹淚落
山梅數十株周匝予小閣看花之盛衰慰我之魂魄

燈市

偶不耐寂寞燈市感衰年思買牡丹燈懸之梅花邊
何不省此費數日之酒錢何當見燈市丞相放紙鳶

壽友人

泠泠南澗上怪石列大小喬木四五株垂藤同樹老
時予沿澗行往往拾蘭草忽憶君壽日携筐贈梨棗
山中酒可飲山中米可飽羨君兵亂後能使容顏姣

青青草茁芽唧唧喧山鳥祝君無所祝領茲風日好

古廟

去山五六里古廟有少燈黃雞與白酒田父祈年登
提携兒子輩往看悲感興社稷絕盼饗土梗尙靈承

山谷

山谷好讀書我已無書讀魯生貽我書將讀于灌木
賣畫當入城行將遠山谷讀書終無緣我生太鹿鹿
侯王與將相我固無此福跌宕文字間竊名得書簾
書簾名尙難老景預可卜

賀彥翔九弟得第三姪

寶綸堂集

五言古
卷之四

三

世人貴得子我則貴子多豈惟萬事足盛事將不磨
弟今有三姪王氏三株柯長君乳虎骨功名如甘羅
次君山頭雲讀書匡山窩此君美二美一時莫我過
鴻業大我宗文章後世模勸弟一杯酒令我亦婆娑
他日如我言令我千日醜

示家人莫歎丐者

其人爲乞丐可矜不可耻彼非好爲之情實不得已
有餘補不足天固設此理唯我賴祖宗有餘可與彼
使我無所餘彼則不來矣此輩叩吾門吾門亦爲美
俗語求佛心將心與人比譬如我行乞人不遺一七

我必慙惶生恨人入骨髓人人皆不遺轉于溝壑兮
與否事雖小死生理在此彼乞爲求生我吝能致死
所費又不多君何苦乃爾

送十三叔十五叔讀書駱莊

文章寫性靈修辭崇典雅我常爲叔言叔今深信者
近來僞文行居業趨而下慎毋爲所悞不將性靈寫
爲人固要眞爲文最忌假邪說售不售悞人不爲寡
聖賢傳道言降爲市賈也溪山好讀書琴張結清夏
澄源流生生清澗入灑灑我嘗數過之爲我設杯斝

率書二首

寶綸堂集

五言古
卷之四

三

春天晴固佳春天雨亦好山樓看新綠酌我抱甕老
一春農事艱此言不敢道

凶歲形已成何堪兩月雨大運之所乘天亦不能主
莫怨天不仁雨雹麥秀腐各自問其心何人心復古

丁家故址飲第二日書寄亦公

晴和溪山春人物都受福烏鳥桑柘中笛聲散黃犢
有酒菜田香高山見修竹天下事難爲進退又難卜
豈使恬隱放不復學干祿

贈孫郎

有客酌寒夜清吹蕭蕭然情慄不可受難以致周旋

有客出團扇君第贈短篇東溪有綠竹拂雲當秋天
安得疎遠人在下一撫絃

春曉

國破家碎時我敢期安樂床頭無麥飯長官免抄掠
卽此一事無豈不寧魂魄樹又懸藤花上下語黃雀
曉起坐石橋養生亦不惡猶有養生心待此固不薄

與朱

人在兵甲中賴此春光蚤禽鳥亂鼓鞞開顏在花草
風雨閉書堂久已絕論討大兄善清談偏師幾于道
仲弟護幽蘭位置向我考季弟名酒多呼我來傾倒

寶綸堂集

五言古
卷之四

三

朱家三株樹天以遺此老過之知必醉蚤醉一刻好

贈趙公簡初度

并序

乙亥四月七日爲公簡初度伯蕙翁叔繡夫子先
不庸子方兄亢老亦公桑老洪綬弟子師姪伯翰
邀山陰趙欽子武林關子書表弟樓祁生合錢觴
於楓溪公簡曰馬齒加長何煩盃斝洪綬歎古人
髮燥卽有事天下公簡少時便當有愧于此乃至
壯時始有是侘傺耶且洪綬長公簡一年乃安焉
醉飽豈不可歎公簡且引滿洪綬歌詩諸君或起
舞或馳馬或臥石或牛飲毋使公簡與綬酒後不

平然諸君亦皆非少年也人事天命可相寬大
溪上千株樹溪上千重山溪上頗有酒溪上頗得閒
天亦不薄我置于丘壑間茅屋容我靜酒徒遂我頑
投老太安穩難得兩鬢班浮名豈不慕欲慕實所艱
婦二十初度書示之

婦王子僊女也子僊往矣如形去影女爲兒婦難
免饑寒今日初度乃心傷悲嗚呼山陽遂聲石坪
殘月可復理乎可復理乎

新婦年二十殺雞觴老嫗持杯將上口痛感子僊
子僊若在此兒婦拜兩行戟手而訓誨岸幘而投牀

寶綸堂集

五言古
卷之四

三五

蘿月不當午必不歸橫塘今日啼不得瀕淚嚙我觴

其二

新婦汝諦聽我貧饑寒汝指使小女奴不能爲汝處
汝雖不明言豈不心自語賣畫積少錢爲覓田家女
今日懸晷辰豆觴何爲舉老翁甚羞慚無言聊相許
陳則梁索予寫一犬一牛一人云犬需忙牛需

困人需極閒如其意寫之復索題此

烏龍夜不眠主人曾知否老特繫枯杏刀斧在其後
老翁知其然棋分左右手溪山坐清風養生亦不苟

哭朱初菴

老來見老友有逾骨肉親老來喪老友有逾肉骨人
同若烟草中對面泣孤臣子今散其魄我則離其神
俗念之所擾乃悲此沈淪若以達者觀賀子得歸真
若以世界觀賀子得脫身

其二

老來無新好唯有老友親連年逢殺運多爲泉下人

嚴子死憤懣公威馬子死海濱吳倩沈子死奔命素

先蕭子死戰塵天植朱五死于酒集菴朱四死于津

壺巖我兄今又死令我更傷神交友能義合居官能

食貧

寶綸堂集

五言古
卷之四

三六

夢道閣社叔過予永楓菴記事

汪王兩道友期我居山麓道閣買黃山結茅種松菊
媿予實重遷不能居山谷社叔亦重遷守此數間屋
道閣數招余余亦招社叔嘯歌入黃山爲作畫幾幅
空期有兩年情事悉短牘昨夢兩人過移榻牛頭宿
山僧買村酒老僮割乾肉酌酒清溪還各捧佛書讀
實事不得成一夢亦清福嗟此兩年期不如一夢速

勉姪

君子有緒已而後求諸人我則無緒已何乃治汝身
其心實懇切願受我諄諄進德而修業溫故而知新

顯親而繼祖致君而澤民古人之好學無論老與貧
况汝年二十不必事樵薪功名有天數道德無等倫
貴顯固滿望儒雅世所珍二者若兼得汝則大我陳
悠悠吾老矣漁隱坐川津

東坂

我世承祖德業儒不業耕籩粥粗不乏少而成虛名
無以報祖德中夜傷我情田父備酒脯邀我觀秋成
對此不爲耻飽餐捫腹行行坐木草際慚愧秋蟲聲

上廩

祖澤日告竭吾亦當知耕行年三十四強仕學無成

寶綸堂集

五言古
卷之四

七

受養小人力又無君子名天豈獨私我而無相奪情
諸子倘不學寧不墮家聲農事當習觀庶幾能治生

風來

灌木坐亭午風來芙蓉波欣然弄筆墨樂哉成短歌
自得則已矣而求人解何自得固足喜何如同好多
非爲媚世說孟子稱柳和

牽牛

秋來曉清涼酣睡不能起爲看牽牛花攝衣行露水
但恐日光出憔悴便不美觀花一小事顧乃及時爾

青藤書屋示諸子

竹匝我書屋藤蟠我佛屋無酒索人飲無書借人讀
亂世無德人無可邀天福天或誘小喜大災從而速
老人微懼焉前途得無促佛法路茫茫儒行身陸陸
酣身五十年今日始知哭

雞鳴

長夜何時旦曠年之所憂白日升扶桑一朝之所愁
曠年終有期一朝安可謀鐘聲送月影雄雞叫牀頭

其二

爲人不達理朝暮感人生難爲隱君子生活在市城
城市爲生活豈免見刀兵所以愛日暮醉睡神不驚

寶綸堂集

五言古
卷之四

五

有時得佳夢復見昔太平頂切雲之冠爲脩禊之行
携桃葉之女彈鳳凰之聲勝事仍綺麗良友仍菁英
山川仍開滌花草仍鮮明恨不隨夢盡嚶嚶羣雞鳴

其三

生死事不究何必住于世究之不憂勤久住亦無濟
少壯太平時身爲酒色制老憊兵戈時始爲生死計
我聞一古德至晚必垂涕日又過一日斯言吾當勵
吾卽百歲壽今已五十歲雞鳴非惡聲聲聞毋泄泄

得象兒

吾今得兩兒可慰老年醉吾醉必扶歸或就席間睡

甚累同飲人不肯輒先寐必欲候吾醒負歸親送至
過此十餘年此子能伏侍便學五柳翁籃輿可隨意

寶綸堂集

五言古
卷之四

竟

諸暨圖書館
ZHUJI LIBRARY